

վրայ կառուցուած էր անապատը, ահագին բարձրութիւնից մինչեւ գետի ափը սողալու ժամանակ, մնաց ամբողջ եւ իր վրայ ամբողջութեամբ պահպանեց անապատը: Նոյն դրութեան մէջ մնում է մինչեւ այսօր: Այդ դէպքը թէւ համարուեցաւ մի մեծ հրաշք, այնուամենայնիւ, անապատի միաբանները այլեւս չկարողացան այնտեղ բնակուել եւ ցրիւ եկան դէպի զանազան կողմեր: Եւ այդպէս, Սիւնեաց մեծ անապատը իր գոյութիւնը պահպանեց 45 տարուց փոքրինչ աւելի, իսկ այդ սուղ ժամանակում Նրա կատարած գործը մեծ եղաւ: Ինչպէս վերելում մի առ մի ցոյց տոեցինք, Նրանից ծնունդ առին ուրիշ շատ վանքեր եւ անապատներ միեւնոյն կազմակերպութեամբ, միեւնոյն կարգերով ու կանոններով...

Կարծեմ, իմ այդ համառօտ տեսութեան մէջ բաւական պարզեցաւ, որ անապատը երկրի անապահով դրութեան եւ նոյն անապահովութիւնից առաջացած ժողովրդի յուսահատական վիճակի արդիւնքն է: Աշխարհից բաւականութիւն չգտնելով, դժգոհ լինելով, մարդը սկսում է ատել աշխարհը: Եւ որովհետեւ նա ինքը նոյնպէս աշխարհի մի մասն է կազմում, հետեւապէս սկսում է ատել եւ իր անձը: Այստեղից է առաջ գալիս այն հոգեւոր անձնասպանութիւնը, որ կրօնաւորների լեզուով կոչւում է ճգնաւորութիւն, խստակեցութիւն եւ մարմնամաշութիւն: Անապատականը դրսից, նոյն իսկ աշխարհից է ստանում անձնասպանութեան այդ զգացմունքը եւ, իր մթին խուցի մէջ զարգացնելով, կրկին վերադարձնում է աշխարհին: Նրանց յարաբերութիւնները փոխադարձ են: Եւ այդ պատճառով անկարելի է չնկատել այն սպանիչ, վիատեցուցիչ աղդեցութիւնը, որ գործում է անապատը իր շրջապատող ժողովրդի վրայ, մանաւանդ երբ այդ ժողովուրդը գտնւում է մօտաւորապէս ստոր զարգացման մէջ: Գործունեութիւնը, եռանդը, աշխատանքը, սերը դէպի կեանքը՝ դադարում է այնտեղ, տիրում է ընդհանուր մեռելութիւն, եւ վանքը իր շրջակայ բնակիչներով ներկայացնում է մի ընդարձակ անապատ... Այդ կետից նայելով, անապատների թոյց կարելի է իմանալ մի ժողովրդի թէ՛ զարգացման աստիճանը եւ թէ՛ գործունեութեան չափը: Եւ որովհետեւ իմ պատմութիւնը ամփոփւում է միայն մի նեղ շրջանակի մէջ, այն է՝ Ջայաստանի Նշանաւոր Նահանգներից մէկը՝ Վասպուրականը, ես ցոյց կը տամ, թէ այդ Նահանգում մի ժամանակ որքա՛ն վանքեր ու անապատներ կային, եւ Նրանց թոյց կարելի է եզրակացնել այն մահացու եւ ծանր հիւանդութիւնը, որ այդ Նահանգի անկման պատճառ դարձաւ:

Վասպուրականը Արծրունի Նախարարների սեփականութիւնն էր: Տասներորդ դարու սկզբում Արծրունի իշխանները այն աստիճան զօրացան, որ Նրանցից մէկը, Գագիկը, ապստամբուեցաւ Բագրատունեաց թագաւորու-